

4649

1884

281.64

Z-367

Exhibit

2010

Գևորգ Ավետիք Կառավար

ԿԵՆՍՈՒԹՅՈՒԹԻՒՆ

ԵՒ ԿՏԱԿ

ԱՐԴԻՇ ԱՐՔԵՊԻՍԿՈՊՈՒՄ

ՀԵԹՈՒ-ԶԵԼՎԱԿԱՆՑ

ՏՊՐՎՐԱԾ ԽՎԱԲԻՔ ԿԻԿՈՒՅՑՈՒՄ ՏԻՇ ՅԱԿԱՎԵՐԵՑ

A 3710m

Թ Ի Ց Լ Ի Ո

ՏՊՐՎՐԱԾ ԽՎԱԲԻՔ ԿԻԿՈՒՅՑՈՒՄ ՏԻՇ Բ. 769.

1884

92

2-387

231.69
-367

ԿԵՆՍԱԴՐՈՒԹԻՒՆ

ԵՒ ԿՏԱԿ

146

ՍԱՐԳԻՍ ԱՐՔԵՊԻՍԿՈՊՈՍԻ

ՀԱՍՏԱ-ԶԱԼԱԼԵԱՆՅ

1620
40681

ՏՊԵԴՐԵԱԼ ԾԱԽՏԻՔ ՆԻԿՈՂԱՑՈՍԻ ՏԵՐ-ՑԱԿՈԲԵԱՆՑ.

ԹԻՖԼԻՍ

ՏՊԱՐԱՆ Մ. ՎԱՐԴԱՆՆԵԱՆԻ ԵՒ ՀՆԿ.

1884

13476

ՀԱՅՈՒԹՅՈՒՆ

1380-49

ԱՐՄԵՆԻԱԿԱՆ ԱՐԵՎԱ

ՏԵՂԱՅԻՆ ՀԱՅՈՒՆ

ՀԱՅՈՒՆ ԱՐԵՎԱ ԱՐԵՎԱ ՀԱՅՈՒՆ

Дозволено Цензурою, Тифлисъ, 15-го Мая 1884 г.

Тип. М. Вартаняца и К°. прот. Тройц. церк. д. № 11



ԿԵՐՍԱԳՐՈՒԹԻՒՆ

Սարգիս արքեպիսկոպոսն Հասան-Զալաթեանց,
որ իւր գործունէութեամբն արժանացած է համա-
դասիլ ՚ի շարս ժիր մշակաց Հայաստանեայցս սուրբ
եկեղեցւոյ, ծնուած է Պարսկա-Հայաստանի Արտազ
(Մաքու) գաւառի, Եղինդ (asterisk) գիւղի մէջ ՚ի թուին
Փրկչի 1810:

Փրկչի 1810:
Նորա ծնողքն իրենց վեց զաւակաց մահուանէն
յետոյ կ'բերեն Սարգիսը Թադէոս առաքելոյ մենաս-
տանն եւ կ'նուիրեն Աստուծոյ կրօնաւորելոյ: Բայց
փոքր ժամանակէ յետոյ մայրենի ժառանգութիւն
ստանալու պատճառաւ, տղան իրենց հետ առնելով
կ'գաղթեն Աշոցաց (այժմեան Ալեքսանդրապոլու)
գաւառի Պարնի գիւղն, ուր նկատելով նորա բնա-
կան հանձարն եւ ուսման հետամտութիւնը՝ Տարօ-
նեցի Կարապետ վարժապետի մօտ աշակերտութեան
կ'տան: Սորա մօտ հինգ տարի մնալէն յետոյ՝ Սար-
գիսը կուսանի իւր անտիական հասակին մէջ համա-
րեա բոլոր Աստուծաշունչ սուրբ գիրքն ՚ի բերան եւ

(*) Եշտ գիւղի մէջ օթագայեցաւ քաջ սպարապետ Արդարանուն ի գնալն իւր ի մեծ պատերազմն:

նորա իմաստներն հրապարակաւ՝ ի լուր ժողովրդոց կ'քարոզէ՝ իբրեւ նշան եւ առհաւատչեայ իւր ապագային քաջաքարող վարդապետութեանց:

Այսպէս հայկական լեզուի եւ կրօնի ուսմանց մէջ ըստ բաւականին յառաջադիմելէն վերջը՝ Սարգիսն իւր տասն եւ եօթը տարեկան հասակումը վարժարան կ'բանայ Պարնի գիւղի մէջ, ուր կ'ժողովէ երեսունի չափ աշակերտներ եւ անխոնջ ջանիւ կուսուցանէ նոցա իրենց կրօնն ու մայրենի լեզուն:

Սանահնեցի Առաքել արքեպիսկոպոսն, որոյ վիճակի մէջն էր յայնժամ Պարնի գիւղն, տեսնելով Սարգիս պատանւոյն ուսումնասիրութիւնը՝ նորան դպրութեան աստիճան կ'տայ:

Սակայն 1826 թուին, այն է Ռուսաց եւ Պարսից մէջ պատերազմը ստուկացած միջոցին, թշնամեաց ասպատակութենէն վախնալով Պարնի գիւղացիք գիշերագնաց փախստեամբ Լոռի կանցնեն եւ նորա խորածորերն կապաստանեն: Նոցա հետ կ'փախչի եւ եռանդուս Սարգիսը իւր աշակերտներովին, զորս ժողովելով մէկ ընդարձակ սյրի մէջ՝ կ'շարունակէ աւանդել նոցա իրենց ուսմանքը:

Երբոր Առաքել արքեպիսկոպոսը կ'լոէ Սարգսի Լոռի գալը՝ կ'կանչէ նորան իւր մօտ Սանահին եւ 18 ամեայ հասակին մէջ սարկուագ կ'ձեռնադրէ եւ այն հռչակաւոր փանքի ներքին եւ արտաքին կառավարութիւնը նորան կ'յանձնէ, զորպիսի պաշտօնը Սարգիսը կ'շարունակէ մինչեւ ցմահ նոյն իսկ եպիսկոպոսին, այն է 51829 թիւը:

Բարեմիտ սարկաւագիս ու շագրութեան արժանի գործողութիւններէն մէկն է այս միջոցիս Ալամդա-

րեան մեծանուն եւ բազմորդիւն Յարութիւն վարդապետին արած մոտադիր ծառայութիւնն, որոյ մասին Քնար Հայկական անուտնեալ երգարանը (երես 585) այսպէս կ'գրէ. «Երբոր Ներսէսը (կաթողիկոսը) գնաց Բեսարաքիայ, Ալամդարեանը շատ վշտեր կրեց, մինչեւ անգամ բանտարկեալ էր Հաղպատ եւ էր հիւանդ մերձ՝ ի մահ: Այս ցաւալի դրութեան մէջ միմիայն Հաղպատու ու Սանահնի սարկաւագն գտնուեցաւ, որ գաղտնի գալիս էր եւ սպասաւորում մերձ ի մահ Ալամդարեանին. Կարելի է ասել, որ եթէ այս երիտասարդ սարկաւագը չլինէր, Յարութիւն վարդապետը պէտք է մեռնէր: Այս սարկաւագը այժմ Սարգիս արքեպիսկոպոս Զալալեանցն է, էջմիածնայ տեղապահ կաթողիկոսութեան եւ առաջին անդամ Սինօդի մենք ճշմարտութիւնը ծածկելու իրաւունք չ'ունինք:»

Երկայնաբազուկ Արքութեանց Զաքարիայ Սանահնեցի իշխանը՝ նկատելով որ օրըստօրէ Սարգիսը ուսմամբ կ'զարգանայ եւ կամենալով նորա առաջ եկեղեցական զանազան պաշտօնատարութեանց ընդարձակ ասպարէզ բանալ, հետեւեցաւ վարդապետ ձեռնադրել տալու եւ հասաւ իւր փափագանացը. վասն զի Սարգիսը Յովհաննէս կաթողիկոսի հրամանաւ նամշադնեցի Գրիգոր եպիսկոպոսէն 1830 թուին կուսակրօն քահանայ ձեռնադրեցաւ եւ նոյն միջոցները Ստնահնու վիճակի առաջնորդ ու վանքի վանահայր Յարութիւն եպիսկոպոսին աջակից կարգուեցաւ: Այսուհետեւ բազմաջան հովուիս համար ազգօքուտ աշխատութեանց ասպարէզ բացուեցաւ Սանահնայ Հըռչակաւոր վանքին մէջ, որ երբեմն իւր ականաւոր

վարդապետարանովը, գրականական պայծառութեամբը
եւ իւր Աստուածավառ միաբաններովը մեր ազգայ-
նութեան եւ կրօնի ապաստարաններէն մէկն էր գար-
ձած:

Այս ժամանակը կ'յանկանայ Յարութիւն եպիս-
կոպոսն Սանահնայ վանքը իւր հնութիւնէն նորոգել
եւ նորանոր շինութեամբ պայծառացնել, ուստի կ'յան-
ձնէ այս գործն Սարգիս վարդապետին, որ անխոնջ
աշխատութեամբ ամենայն ծանրութիւնները իւր վե-
րայ առնելով քիչ ժամանակէ յետոյ այն սրբանուէր
մենաստանն իւր մեռեալ վիճակէն կ'յարուցանէ:
Այս աշխատութեանց հետ նաեւ վիճակին գործա-
կատարութիւնն, որ ստանձնուած էր նորան, հաւա-
տարմութեամբ կ'կատարէր մինչեւ 1837 թիւը:

Սարգիսը իւր պաշտօնակատարութեանց համար
գիւղերը շրջագայելու ժամանակին տեսաւ, որ ազ-
գին երեխայքը ծաղկէն մեծամեծ հարուածներ կ'ստա-
նան. ուստի հետամուտ հղաւ ծաղկի պատուաս-
տումն սսկորեցաւ եւ ժողովրդականաց ծաղկի պա-
տուաստման օգուտները հասկացնելով՝ հարիւրաւոր
երեխաներ պատուաստեց, եւ իւր այս ջերմեռանդ
ծառայութիւններովն գրաւեց Յովհաննէս կաթողի-
կոսի ուշադրութիւնը եւ վարդատրեցաւ նորանից
1835 թուին վարդապետական ականակուռ լանջա-
կան իւազով:

Այս ժամանակները Սարգիս վարդապետը՝ տես-
նելով Ղարաբիլսայ գեղջ մերազնեայ ժողովրդոց
եկեղեցւոյ կարօտութիւնը, նոցա հոգեկան պիտոյքը
իւր հանգստութենէն վերադասելով՝ Ղարաբաղու եւ
Նամախու բոլոր վիճակներն կ'շրջի, գրամոց գումար-

ներ կ'ժողովէ, որով նոյն գիւղի հոյակապ եկեղեցւոյ
թերի մնացածներն կ'աւարտուին: Երբոր մեծահամբաւ Կարապետ արքեպիսկոպոսն
(Նախկին առաջնորդն Կարնոյ) Տփխիս առաջնորդ
կ'կարգուի, Սարգսի բարեգովութեան համբաւը լսե-
լով իւր մօտ կ'կանչէ եւ կ'կարգէ ներսիսեան դպրոցի
մէջ կրօնական ուսմանց դասատու եւ նոյն դպրոցի
գանձապահ, ուր Սարգիսը իւր անիրոնջ ջանասիրու-
թեամբ յաջս իւր մեծաւորաց եւ բարեկամաց սիրելի
կ'հանդիսանայ:

Այլ որպիշետեւ այս միջոցներն Ղարաբաղու նահանգէն
ուսումնական բարեյիշատակ Յովհէփ վարդապետի համ-
բաւն Կովկասեան գաւառաց տմէն անկիւնները կ'հրն-
չուէր, եւ ամէն ուսումնասիրաց տիրոր առնա դիմե-
լու եւ աշակերտելու կ'շարժէր, շարժեց նաեւ Սար-
գսի ուսումնավառ տիրոր. ուստի 1841 թուին Տըփ-
խիսէն ելլելով դիմեց Ղարաբաղ, եւ Գանձասարու
վանից մէջ նոյն Յովհէփ վարդապետի մօտ աշակերտե-
լով՝ Աստուածաբանական եւ հայկական լեզուի ուս-
ումնունքը կատարելագործեց, եւ տեղւոյն համազգային-
ներէն շտատ տիրալիր ընդունելութիւններ գտնելէն
յետոյ՝ վերադարձաւ Տփխիս եւ իւր սիրեցեալ Սանա-
հնի վանից վանահայր կարգուեցաւ:

Սոյն մենաստանն հասնելէն յետոյ Սարգիս վար-
դապետը սկսաւ գրել իւր «Ճանապարհորդութիւն
՚ի մեծն Հայաստան» երկասիրութեան առաջին հա-
տորն, որոյ մէջ ժամանակին հետասոյզ անգութ
ժանիքէն կորզելով վաղեմի Արցախ եւ Գուգարաց
նահանգներու աւերակ եւ շէն եկեղեցեաց, վանօ-
րէից եւ բաղաքաց արձանագրութիւններն՝ ամիս-

փեաց՝ ի մի նախնեաց այն գեղեցիկ յիշատակարաններն եւ մանրամասն ստորագրութեամբ նկարագրեց նոյն նահանգաց զանազան տեղերն, որ 1842 թուին՝ ի լոյս ընծայեցաւ կը ծփիսիս: Թէ այս եւ թէ մանաւանդ սորա երկրորդ հատորը, որ տպագրեցաւ 1858 թուին եւ օրոյ մէջ քաջապէս կյայտնուի ուսումնասէր հեղինակի հայրենասիրական զգացմունքը եւ հնագիտական ուսմունքը, թէ ո՞րչափ պիտանի երկասիրութիւններ են, ամէն հայագէտ ուսումնականաց յայանի է:

Ահա այս ճանապարհորդութեան առողին հատորոյ ընթերցանութեամբն էր, որ ազգավառ հայրագետն ներսէն՝ գեռ եւս իր Պետերբուրգ եղած ժամանակին, եռանդուն հսկուիս ուսումնասիրութեան շնորհքը տեսնելով, տակաւին անձանօթ՝ քայց՝ ի հեռուստ սերով կապուեցաւ եւ իւր կաթողիկոսանալէն վերջը ընկալաւ նորան իւր մօտ եւ նորա ձեռքովը բոլոր իւր բարեկարգութիւններն յառաջ կ'արէր:

Սարգիս վարդապետը Սանահին վանտհայր կարգուած ժամանակին՝ չնայելով որ վանքն ըստ նորոգ կանոնագրութեան եկեղեցեաց Հայոց Ուռսաստանի, զրկուած էր իւր վիճակէն եւ հկամուտներէն, չ'վհատեցաւ եւ զանազան շինութեանց ձեռնամուխ եղաւ: Հին ջրաղացը վերանորոգելով՝ մի աչք աղօրի եւս աւելցուց, որով կրկնապատկեց նորանէ վանքին եկած արդիւնքը: Առաջնորդարանի մօտ նոր սենենեակներ շինեց միաբանից համար եւ տեսնելով ջրջակայ բնակչաց անտանելի տգիտութիւնը՝ ժառանգաւորաց դրաբոց բացաւ, ուր բազմաթիւ ձրիալարժ աշակերտ-

ներ ժողովեց եւ սկսաւ կրթել նոցա մայրենի լեզուի եւ այլ ուսմանց մէջ, եւ նոցանէ մի քանիսն իւր միջնորդութեամբ զանազան բարձրագոյն ուսումնարաններ ուղարկեց: Այս մասին կ'գրէ ներսէս կաթողիկոսն՝ ի 14 յունիսի 1848 ամիս կոնսիստորիայի Հայոց Վրաստանի այսպէս. «Ենոքհունակ Սարգիս վարդապետն Սանահինայ սուրբ Խստուածածին վանաց, որպէս ծոցածին արժանաւոր իւրումն կոչման ուխտի, յայտնելով զիւր վարդապետական կոչումն իւրով սրտեռանդն ցանկութեամբ ազգային բարեաց՝ կարողացեալ է ըստ յաջողելոյն Տեսն տաճարի յիշետը սրբոյ վանից սկզբնաւորել անդէն զուսումնարան մանկանց Հայոց յամի հազար ութ հարիւր բառասուն եւ հինգ» եւ այլն:

Այս միջոցներիս կօռուայ գիւղերի մէջ զանազան տեղ ժանտախտ ցաւը կ'սկսի ո՞պառնար Սարգիս վարդապետն տեսնելով որ ժողովուրդը ծածկութեամբ կ'պահէ այս վնասակար բանը, եւ իմանալով որ այս ախտը օրըստօրէ սաստկանալով կարող է մեծամեծ վնասներ բերել տեղական բնակչաց, կ'աճապարէ Կառավարութեանն իմացնել եւ օգնել այս ցաւոյս առաջն առնելու, որոյ համար կարժանանայ Կառավարութեան կողմանէ շնորհակալութեան եւ սրբոյն Աննայի շքանշանի երրորդ աստիճանին:

1845 թուին Աստուածարեալ Հայրապետն ներսէս Հայաստանեայց եկեղեցւոյ կաթողիկոսական պաշտօնն ստանձնած՝ Ռուսաստանէն վերադարձաւ յէջմիածին. բայց աւաղ, Հայաստանեայց սուրբ եկեղեցւոյ հոգեւոր վարչութիւնն բարեկարգ ութեան մէջ՝ չ'տեսնելով եւ իւր բարեկարգչուկան եւ ազգօգուտ

նպատակները կատարելու ընդունակ ոք չ'գտնելով՝
մնայած էր տարակուսանաց մէջ եւ իւր սրտի վիշտը
կ'յայտնէր շատերին։ Սակայն վերին Տեսչութիւնը,
ինչպէս որ զսուրբ Մեսրովն ընծայեց գործակից եւ
օժանդակ սրբոյն Սահակայ, նոյնպէս գոգցես եւ
պատրաստած էր զժիր մշակն սրբոյ եկեղեցւոյ զ Ար-
գիս վարդապետն Զալալեանց՝ ներսէս հայրապետի
քարենպատակ կամքերը իրագործելու։ Ուստի բարեսէր
հայրապետը կանչեց Սանահնայ վանքից Սարգսին եւ
յանձնեց նմա բոլոր Ռուսաստանի Հայոց վիճակաց
այցելութեան եւ հոգեւոր ատենից գործքերը լիազօր
իշխանութեամբ քննելու պաշտօնը։ Սարգիս վարդա-
պետը այնպիսի անաշառ արդարութեամբ եւ անձն-
ուրաց մշակութեամբ կատարեց այս իւր ստանձնեալ
գժուարին պաշտօնը, որ ներսէսի հրավառ սիրոյն եւ
կատարեալ վտահութեանն արժանացաւ առաւել
քան զառաւել։

Բազմաշխատ հսկուիս այս չըջանիս մէջ կատա-
րած ազգաշահ գործողութիւններն բազմաթիւ են.
Քայլ մենք համառօտելով հաղորդենք ընթեցողաց
մի քանիսը։

ա. Տոկալով բազմամեայ տաժանակիր ճանա-
պարհորդութեան՝ Ռուսաց լայնածաւալ պետութեան
ամէն հայաբնակ քաղաքները եւ գիւղերը շրջեցաւ
իբրև բարեհամբոյր այցելու, եւ ժողովուրդը իմաս-
տուն վարդապետութեամբ եւ հոգեշահ քարոզու-
թեամբ միխթարեց եւ զարգացոյց յօրէնս Աստուած-
պաշտութեան, որքան կարելի էր։

բ. Ինքն միայն իբրեւ տնօրէն եւ գրադիր ան-
ձանձիր հետեւողութեամբ եկեղեցեաց հաշիւները

զննեց եւ զանազան արգեանց աղբիւրներ բացաւ,
կորած արգիւնքներէն մինչեւ ութուուն հազար մանէթ
գոտաւ եւ հասոյց առ սրբազան Ներսէս կաթողիկոսն,
եւ եօթանասուն հազար մանէթ եւս ապառիկ թո-
զուց, որ ստացուեցաւ յաւուրս Գէորգ կաթողիկոսի
եւ՝ ի գործ արկաւ ՚ի կառուցումն Էջմիածնայ հոյա-
կապ ձեմարանին։

գ. Ղղլար եղած ժամանակին իւր ձեռնարկու-
թեամբ եւ յորդորանօք պատճառ գարձաւ տեղուոյն
հոյակապ սուրբ Գէորգայ վանից շինութեան, որ
յառաջ եղած է մէկ փոքրիկ փայտեայ անշուք շի-
նուած եւ հազիւ երեք հարիւր մանէթ եկամուտ
կ'բերէր, սակայն յետ շինութեան սկսաւ տարին
երեք հազար մանէթ արգիւնք բերել։

դ. Քիշնեւ կ'երթայ ուր ներսէս կաթողիկոսին
ձեռամբ գնուած եկեղեցւոյ սեպհական ութ հազար
քառակուսի սաժեն ընդարձակութեամբ հող կ'գտնէ,
որն որ մօտ է եղեր իւր եկեղեցապատկան լինելու
իրաւունքը կորուսանելու, եւ նոյն միջոցին բազմաշ-
խատ հայթայթանօք կարողացեր է վերահաստատել
նոյն գետնի սեփականութեան իրաւունքը եւ նորա
վերայ շինութիւններ կառուցանել, որ եւ այժմ իսկ
կ'բերէ վասն սրբոյ Էջմիածնի տարեկան տասն հազար
մանէթի չափ արգիւնք, ունենալով ութուունի չափ
մէծ եւ փոքր սենեակներ։

ե. Իւր շրջագայութեան ժամանակը տեսնելով
ուրեք ուրեք ազգայնոց մուաւոր եւ բարոյական պա-
կասութիւններն, մանաւանդ ազգային լեզուի եւ
գրականութեան ցաւակի կորուստը յանհոգութենէ
առաջնորդաց, եւ ցանկալով այսպիսի տեղերի համար

վարդապետներ պատրաստել եւ գպրոցներ բանալ,
որով յիշեալ թշուառութեանց կարելի լինի գար-
ման տանել, Աւտիացիներէն, Ղղլարէն, Ղորայէն,
Նոր—Սրմաւիրէն եւ ուրիշ զտնազան քաղաքներէ
տղայք կ'ժողովէ ուսումնառութեան համար եւ ներ-
սիսեան գպրոցը կ'ուղարկէ, որ այս ժամանակ մեծ
յառաջադիմութեան մէջ էր ազգային լեզուի կողմանէ,
որոնք աւարտելով ուսումը կ'ալիտոյանան իւրեանց
հայրենեացը:

զ. Զմիւռնիայի հրդեհէն վտանգաւորուած մերա-
զանց համար տաժանակիր աշխատութեամբ կ'շրջի
շտա քաղաքներ եւ մեծաքանակ գումար դրամոց կժո-
ղովէ, որ ՚իձեռն կաթողիկոսի կուղարկուի անդ:

է. Աստրախանու առաջնորդ Սերովէ արքեպիս-
կոպոսն վախճանելով մեծագումար դրամ կ'թողնէ,
զորս յափշտակել կուղեն իւր հայ-լուտերական ժա-
ռանգներն ՚ի վնաս գանձարանի աթոռոյն սրբոյ
էջմիածնի, բայց եկեղեցական շահուց եւ փառաց
նախանձախնդիր Սարգիս վարդապետը ներսէս հայ-
րապետի հրամանաւ Աստրախան կ'հասնի եւ յընթաց
կարճ միջոցի մեծաւ հետեւողութեամբ հանգու-
ցեալ եպիսկոպոսի ամենայն գործառնութիւններն
կ'զննէ եւ կ'աեղեկանայ, որ նոյն գումարը անկաս-
կած զիճակապատկան է: Այս մասին սրբազան հայ-
րապետին կ'ծանուցանէ եւ այն մեծագումար դրամը
ազատելով կ'գարձնէ յօգուտ սրբոյ էջմիածնի, որ
կ'ստացուի վեհափառ Գէորգ դ կաթողիկոսի օրերովը,
եւ կ'շինուի էջմիածնայ ճեմարանը, որպէս վերը
գրուեցաւ: Ըստ նմին եւ կ'գարձնէ յօգուտ էջմիածնի
Սերովէ եպիսկոպոսի Ծինօթան գիւղը:

Սարգիս վարդապետը իւր այս վաստակներովը կւ
հաւատարիմ ծառայութեամբը գրաւեց ներսէս կա-
թողիկոսի ուշագրութիւնը, որպէս վերը յիշեցինք,
եւ հզօր աջակից հանդիացաւ նմա, արժանապէս
պսակելով նորա ակնկալութիւնը:

Վեհափառ հայրապետի առաջադրութեամբը Սար-
գիսն ստացաւ 1850 թուին սրբոյն Աննայի չքանչանի
երկրորդ աստիճանը:

Վարդապետիս ծառայութեանց եւ գործոց վե-
րայ լիուլի տեղեկութիւն ստանալ ցանկ ացողն
կարէ կարդալ ներսէս կաթողիկոսի գրագրութիւն-
ներն եւ կոնդակներն, որոց մի մասն տպագրեցաւ ՚ի
Կ. Պոլիս եւ որոց մէջ երջանկայիշատակ հայրապետն
զՍարգիսը կանուանէ «քրտնաջան», անձանձիր աշ-
խառող, բազմաջան եւ բարեջան մշակ եկեղեցւոյ,
հաւատարիմ Աստուծոյ եւ սրբոյ եկեղեցւոյ Հայաս-
տանի» եւ այլն:

Թէպէտ բազմաթիւ են նոյն կոնդակներն, զոր
գրած է երջանկայիշատակ հայրապետն ՚ի զանազան
ժամանակս Սարգիս վարդապետի մասին, սակայն
նորա համարումն առ հաւատարիմ ծառայն իւր
կարէ յայտնի լինել նաեւ նոյն հայրապետի առ-
փոխարքայն Կովկասու կնեազ Վարանցօվն գրեալ
կոնդակէն, զոր գրած է ՚ի 1851 ամի, Մայսի 11-ին,
համար 137, ՚ի պատասխանի գրութեան նորա, որ
՚ի 28 Մարտի նոյն ամի, համար 333, յազագս միա-
ւորելոյ վիճակին Բարգուղիմէոսի առաքելոյն ընդ վի-
ճակին պատրիարքարանին Կ. Պոլոյ, զոր կ'գրէ ըստ
այսմ թէ՝ «վասն այսր գործոյ ընկալաք զգիր ՚ի պա-
տրիարքէն Կ. Պոլոյ, որ հարցանէ զկամն իմ առ

այն, որում գեռ չեմք պատասխանեալ՝ ի պատճառս
մնալոյ հոգեւոր գործոց կ. Պօլսոյ վերաբերելոյ առ
մեզ՝ ի խանգարման, զոր վասն ուղղելոյ չունիմք
զոք ընդունակ հոգեւորական ոչ յէջմիածին, ոչ ՚ի
հինգ վիճակս Ռուսաստանի եւ ոչ ի Տաճկաստան,
որում մարթ իցէ առնել յանձնաբարութիւն՝ բացի
Սարգիս վարդապետէն Հասան-Զալալեանց, որ հրա-
մանաւ մերով առնէ զքննութիւն յԱստրախանու
վիճակին եւ սպասեմք գալութեան նորա առ ՚ի առա-
քել ՚ի կ. Պօլս....»

Ներսէս հայրապետը պիտանացու անձանց յար-
գը եւ արժանաւորութիւնը քաջ ճանաչող գոլով,
Սարգիս վարդապետին իւր քննչական գործառնու-
թենէն յետոյ կանչեց էջմիածին, ձեռնադրեց հայու-
կոպոս 1855 թուին եւ կարգեց անդամ սինօդին
էջմիածնի:

Նշանաւոր են երանելի հայրապետին այն խօսքե-
րը, որ Սարգոփի ձեռնադրութեան ժամանակը իւր սրր-
ասուն ձեռքը նորա գլխին դնելով, արտասուալից
աչօք դէպի երկինքը ակնարկելով ու գերահրաշ զգաց-
մամբ լցուելով կ'բացականչէ. «Հոգիդ սուրբ Աստ-
ուած, դու հանգի՞ր ՚ի վերոյ սորա՛ եւս առաւել զօ-
րացն զսա, զի սա միայն է յոյս ազգիս:» Այս ջեր-
մեռանդ աղօթքին Համեմատ գրած է եղած նաև
առ Մուրագ-բէյն Մանուկ-բէյեան յ8-ն մարտի 1855
ամի այսպէս. «Հարազատ մշակն եկեղեցւոյ Հայոդ,
Սարգիս վարդապետն Զալալեանց, ողջամբ ժամանեալ
առ մեզ....: Յորմէ լուեալ վասն յանկալեացն մեզ
յաղագս Զերում որպիսութեանց, գոհացաք զԱս-
տուծոյ: Սարգիս վարդապետն բերի վասն եպիսկոպոս

օծելոյ, ըստորում բաց ՚ի նմանէ յայժմեան ժամա-
նակի վասն եկեղեցւոյ Հայոց, կամ վասն ազգի եւ
կամ վասն էջմիածնի ոչ գոյ բան զնա անձն յու-
սալի....»

Այս ժամանակները Տփխիսու մէջ սկսան երեւալ
զանազան աղմուկներ եւ խռովութիւններ, առաւել
Ներսիսեան Ուսումնարանի վերաբերմամբ եւ Տփխի-
սու հասարակութեան ողջամիտ անձանց յոյսը Սար-
գոփի խոհականութեան եւ եկեղեցապաշտպան արի-
ութեան վերայ լինելով, ստէպ ստէպ կ'խնդրէին ուր-
բազան հայրապետէն զՍարգիս եպիսկոպոսը Տփխի-
սու վերայ առաջնորդ կարգել եւ փութով ուղարկելու
Արբազան հայրապետը կ'նշանակէ զնա առաջնորդ
Տփխիսոյ եւ կ'առաջարկէ Տէրութեանը՝ ի հասա-
տութիւն, եւ սոյն միջոցին կ'գրէ հոգաբարձուաց
Ներսիսեան ուսումնարանի հետեւեալ կոնդակը:

«Լոելի լինի մեզ լուր անարժան մերում եկեղե-
ցական ուսումնարանի, իբրեւ զի յառաջադէմ աշա-
կերտք ուսումնարանի անհաւան գտանին գրութեանց
գերարժան հեղինակաց Հայոց՝ Գրիգորի Նարեկա-
ցւոյ, Ներսիսի Ննորհալոյ, նա իսկ եւ սազմոսարա-
նաց Դաւթի եւ այլոց Հիմանց եկեղեցւոյ Քրիստոսի
Հրաշաբան Աստուածաբանութեանց, եւս եւ կրօնի կու-
սական կարգաց, եպիսկոպոսութեանց եւ վարդապե-
տութեանց, եւ այլոց զանազան եկեղեցական կարգա-
դրութեանց: Եւս եւ աղօթից եւ ճգնաւորական վա-
րուց: Վասնորոյ խնդրեմ հանճարաւոր ուշագրու-
թեամբ գտանել նրբահայեաց, թէ ընդէ՞ր իցեն տա-
րածեցեալ այսպիսի անարժան մերում ուսումնարանի
չարահամբաւ լուրը: Եւ մեք հոգ կալցուք փութա-

ցուցանել՝ զՍարգիս սրբազան եպիսկոպոսն յաղագս ամահովացածանելոյ զմեզ եւ զՁեզ եւ զամենասուրբ առաքելական եկեղեցի Հայոց. ՚ի 27 օգոստոսի 1855 տմի:» (ՏԵ՛Ս Տասնամեայ տեսութիւն Ներսիսեան ուսումնարանի 1851—1861, տպագրեալ Հրամանաւ Մատթէոս կաթողիկոսի:)

Այս միջոցին՝ այն է 1856 թուին Ոռւսաց Աղէքսանդր թ Կայսեր թագադրութեան հանդէսը պիտի կատարուէր Մոսկով քաղաքի մէջ: Ներսէսը իւր ծերութեան պատճառաւ չկարողանալով անձամբ ՚ի դիմաց ազգին երթալ եւ ներկայ գտնուիլ թագադրութեան հանդիմին, ՚ի տեղի իւր ուղարկեց ներկայացուցիչ ազգին զՍարգիս եպիսկոպոսն, որ որպէս կայսերէն, նոյնպէս եւ Տէրութեան նախարարներէն պատուօք ընդունելէն եւ իւր պաշտօնն ըստ արժանուոյն կատարելէն յետոյ՝ վերադարձաւ ՚ի Տփիս պարգեւատրուած սրբոյն Վլագիմիրի երրորդ աստիճանի շքանշանով:

Երբոր Առտուածալառ ծերունին ներսէս՝ տիրական հօտին անխոնջ հոգուապետը, իւր ազգաշահ եւ քաղմաթիւ գործառնութիւններէն յետոյ իւր ցանկալի կենաց կէտը լրացնելով՝ փոխուեցաւ առ հոգուապետն Քրիստոս, գիտէր Սարգիս եպիսկոպոսը, որ իւր միակ բարերարի եւ պաշտպանի մահուանէն յետոյ որքան նեղութեանց եւ թշնամանաց պիտի ենթարկուի, վասնորոյ կ'ցանկայր առանձնանալ ՚ի վանս Սանահնի, իբրեւ ՚ի նաւահտնգիստ խաղաղութեան: Եւ այս մասին ծանոյց գրութեամբ կաթողիկոսի տեղակալ Դուկաս արքեպիսկոպոսին, բայց նոյն սրբազան եպիսկոպոսն փութացաւ ստիպել, որ ազգին ծա-

ռայութենէն չ'խուսափէ՝ պատասխանելով այսպէս. «Առաւել քան զՁեզ ով ունիմ բազմափորձ ՚ի գործա, վասն որոյ Տրավրեմ զՁեզ ոչ մեկուսանալ ուրեք, այլ փութալ եւ ծառայել ազգիս:»

Մարգիսը այս գրութենէն եւ Տփիսու հասարակութեան անդուլ թախանձանքէն համոզուելով յանձն կառնու մնալ Տփիս եւ վարել առաջնորդական ծանրաբեռն պաշտօնը, որով սկսաւ իւր գործունէութեան մի նոր շրջանը:

Նախ՝ իւր ուշադրութիւնը դարձեց ներսիսեան ուսումնարանի վերայ եւ կամենալով գաղաքեցնել նորա մասին տարածեալ անախորժ տարածայնութիւններն՝ բարեկարգեց զայն ըստ իւր կարողութեան համաձայն ցանկութեան հայրապետին ներփակ եւ վերոյիշեալ կոնդակի նորին, թէ եւ նա այս բարեփոխութեանց համար ՚ի պաշտօնանկ անձանց եւ կողմնակցաց նոցին զանազան զրադարձութեանց ենթարկեցաւ: Այս անբարեխիղն անձինքն իրենց վրէժինդրութեան համար աշխատում էին արատաւորել Մարգիսի անունը՝ քարոզելով ամենայն տեղ թէ նա ուսուածը է եւ թշնամի ներսիսի, այն ներսիսի որ նորա միակ բարերարն էր եւ որոյ միակ սիրելին եւ հաւատարիմն էր Սարգիսը, որպէս վկայում է ինքն ներսէսը իւր կոնդակների մէջ:

Երկրորդ՝ Տփիսու վիճակի վիրախօս հայ ժողովրդաց տգիտութեան դարման անելու նորատակաւ՝ Քութայիս, Դօրի, Թէլաւ եւ ուրիշ տեղեր դպրոցներ բացեց, որոնք ըստ բաւականին արգիւնքներ բնձայեցին եւ կընծային մինչեւ զայտօր ազգին՝ տարածելով յիշեալ գաւառների մէջ հայկական լեզուի դիտութիւնը:

Երրորդ՝ Կովկասեան փոխարքային միջնորդեց եւ

յօգուտ եկեղեցւոյ սեպհականացրեց Տփխիսու մէջ
Ներսիսեան դպրոցի մօտ եղած լայնատարած գետինը,
որ մեծ արժողութիւն ունի այժմ եւ որոյ վերայ՝ ի
ձեռն հոգաբարձուաց դպրոցին կառուցանել տուաւ
քարուկիր կրպակներ։ Այս գետնի վերայ առաջ շի-
նութիւն անելու իրաւունք չկար՝ երկար ժամանակ
վէճի տակ լինելու պատճառաւ, բայց Սարգիս եպիս-
կոպոսի աշխատութիւնը յաղթեց ամէն դժուարու-
թեանց եւ գործը ՚ի գլուխ տարաւ։ Այս կրպակաց
վարձը, որ քանի մի հազարի կհասնի՝ Ներսիսեան ու-
սումնարանը կստանայ:

Չորրորդ՝ Ծիրանաւոր վանից խախտեալ եւ քայ-
քայեալ եկեղեցւոյ աւերակը վերանորոգել տուաւ եւ
՚ի պէտս Ներսիսեան դպրոցին հազար մանէթէն ա-
ւելի մի նոր եկամուտ յաւելցուց։
Հինգերորդ՝ Ախալցխայ քաղաքի մէջ տասն կըր-
պակ շինել տուաւ, որ նոցա սրդիւնքը ՚ի պէտս աղ-
քատաց գործադրուի։
Վեցերորդ՝ Տփխիսու վանքի մայր եկեղեցւոյ ա-
րեւելեան եւ հիւսիսային կողմն կառոյց ամուր եւ
հաստահիմն պարիսպ ՚ի մէջ գետոյն, որով խլեց կուր
գետից մեծաքանակ տարածութիւն գետնի եւ ընդար-
ձակեց եկեղեցւոյ բակը (գաւիթը), որ յոյժ փոքր էր յա-
ռաջ եւ հեռի եկեղեցւոյ պատից միայն երկու գազաչափ։

Եօթներորդ՝ առանց ձեռնամուխ լինելոյ վիճա-
կային արդեանց, Տփխիսու վանքի հնացեալ շէնքերը
վերանորոգեց, եկեղեցւոյ բակը հարթեց եւ ընդար-
ձակեց, բակի խարխուլ եւ անշուք շինութիւնները
վերցրեց եւ կից հին առաջնորդարանին կառոյց նոր
՚ի նորոյ տյն հոյակապ եւ չքնաղ առաջնորդարանը,

որ այսօր նոյն քաղաքի շքեղ շինուածքներէն մէկնէ։
Այսքան արդիւնաւոր աշխատութիւններէն յետոյ
Սարգիս եպիսկոպոսը պատրաստ էր նաեւ այս միջո-
ցին այլ եւ այլ օգուտներ մատակարարել աղգին, բայց
ափսո՞ս, որ հանդիպեցաւ զանազան արգելաւիթ-
ների։ Վասն զի երբ ամբարձաւ յաթոռ կաթողիկո-
սութեան Մատթէոս Հայրապետն, նա թէ եւ քաջ գի-
տէր Սարգսի ազգօգուտ ծառայութիւններն, թէ եւ
ինքն իսկ իւր աչօքն տեսաւ նորա սիրալի վաստակ-
ները, վիճակի բարեկարգ գրութիւնը, եկեղեցեաց
պայծառութիւնը, դպրոցաց յառաջադիմութիւնը,
բայց հակառակ իւր նախկին համարման եւ գէպի-
առ նա ունեցած պիրոյն՝ սկզաւ խեթիւ նայել առ-
նա դրդմամք եւ թելադրութեամք ոսոխաց նորին։ Սա
նոյն իսկ Մատթէոսն էր, որ յառաջ կանուանէր զնա-
«աշաց լոյս եւ սիրելի եղբայր, ազգասէր եւհաւատա-
րիմպաշտօնեայ եկեղեցւոյ» իւր առ նա գըրած նամա-
կանեօք, յորոց մինն արժան կ'համարիմք դնել այստեղ։
«Գերապատիւ Սարգիս Արքիափիսկոպոս ամենա-
հարազատ որդի Հայաստանեայց սուրբ եկեղեցւոյ,
խնդալ ՚ի Տէր։

«Չգիր հարազատութեան Զերոյ գրեալ ՚ի 28 յուն-
վարի՝ ընկալայ ՚ի 10 մարտի եւ ընթերցեալ զայն՝
զոր ինչ միանգամ ՚ի բերկութիւն սրտից մերոց գը-
րեալ էր անդանօր բանս, ծանեայ ըստ ամենայնի եւ
ուրախ եղէ մեծաւ գոհունակութեամք սրտի……։

«Դուք, արժանապատիւ եղբայր, ՚ի փաղ Ժամա-
նակաց հետէ անտի Հսկեծանօթ էք մեզ շնորհօք
հոգւոյն սրբոյ, համբաւ գրասէր, ումումնասէր եւ
ազգասէր բնաւորութեան Զերոյ ՚ի բազում ամաց

Հիսուս Հռչակ հարեալ յայսոսիկ կողմանս, բազմից լուսեալ եմք եւ ծանօթայեալ եւ ուրախ լեալ տարապտյաման իմն խնդութեամբ, զի քահանայապետն երկնաւոր ՚ի շնորհս երեսաց սրբոյ և ուսաւորչին մերոյ ոչ պակաս առնէ գհաւատարիմ պաշտօնատարս եւ գքահանայս եկեղեցւոյ իւրոյ սրբոյ, որպիսի էքդ Դուք, եւ աղօթս արարեալ եմք եւ առնեմք անդտղար, զի զնմանիս Զեր Սրբազնութեան մի պակասեցուսցէ, այլ յաւելցուսցէ եւ բազմացուսցէ ՚ի փառս անուան իւրոյ եւ ՚ի պարծանս սրբոյ գահին, դոր լուսով փառաց իւրոյ նկարեաց միածին որդին իբրեւ միմիայն պարծանք ազգիս ՚ի մէջ Համօրէն աշխարհի :

Ուստի առ յանդորր եւ յապահովի կացուցանել զներդ Սրբազնութիւն՝ ոչ գանգաղեցայ գրել առ Զեղ զայտ նամակ ՚ի քաջալերութիւն եւ ՚ի խրախոյս ազգափրական բարեյօթարութեանց Զերոյ եւ աղդ օգուտ բարենպատակ գործողութեանց, եւ ակն ունիմ զի ՚ի գալս մեր առ Զեղ շնորհիւ ծեառն եւ ողորմութեամբ բարձրելոյն վարձատրէ զմեզ եւ զնեղ երկնաւոր քահանայապետն մեր Յիսուս շնորհելով զմեծն եւ զբազմագոյնն փոխանակ սակաւուն, զոր ծառայեցաք նմա ՚ի փառս եկեղեցւոյ իւրոյ սրբոյ. ՚ի 1859 ամի, Մարտի 15, ՅՈՐԹԱԳԻՒՂ. Մատթէոս կաթողիկոսւն

Մատթէոս կաթողիկոսն առաջին անգամ Հաստ կանալով Սարգսի մեծաջան վասաալները կ'սիրէ եւ կպատուէ գնաս, առաջադրելով սրբոյն Ստանիլաւի առաջին աստիճանի շքանշանին, բայց յետոյ ըստ դրդման թշնամեաց, նախանձելոց յաւուրա Հայրապետին ներսիսի, կ'մոռանայ նորա արած ծառայութիւններն ազգին. Զվշատեցաւ Սարգիսը, վասն զի

չունէր ակնկալութիւն եւ փոփագ աշխարհէս իւր վաստակոց փոխարինութիւն սոտանալ, այլ սկսակ յառաջ վարել իւր գործունէութիւնը:

Ա. Եաւ գիտենալով, որ մինչեւ եկեղեցւոյ համար բանիբուն եւ ուսումնական ժառանգաւորներ չհասնին, անհնարինէ նորո խրթնացետը բարեզարդութիւններն վերանորոգել վասն որոյ կամեցաւ Տըփիսու վանաց պարսպին մէջ ժառանգաւորաց դըպրոց կառուցանել, ուր քահանայացուք նախապէս ուսանին ըստ կարգին եկեղեցական արարողութիւններն հանապազորդելով միշտ յեկեղեցի Հոգեւորականաց ձեւով զգեստ հագած, եւ ընդ նմին ծանօթանան Առտուածաբանութեան, հայկաբանութեան եւ սուրբ գըրոց մեկնութեան հետ եւ ապա արժանանան բարձրանալ յեկեղեցական աստիճանն, որով արժանաւոր անձինքներ բազմանան եկեղեցականութեան մէջ: Այս շինութեան համար, ամենայն ինչ պատրաստէր եւ ծախքն ապահոված իւր հարուստ եւ առաջաձեռն բարեկամաց շնորհիւ, բայց զարմանալինէ, զի երբ այս մատին կ'ծանուցանէ Մատթէոս կաթողիկոսին եւ կ'ինդրէ թոյլտվութիւն, ոչինչ պատասխան չընդունիր:

Բ. Կ'գրէ կաթողիկոսին եւ Եղիազար եպեսկոպոսին ձեռօք կուղարկէ, որ թոյլատրէ Տփիսին կըրպակներ շինել Ներսիսեան դպրոցի մօտ գտնված մեծատարած գետնի մերայ, որով կարողանայ էջմիածնի համար մի նոր եւ մեծ արդեանց աղքիւր բանալ, եւ ոյս կբաշկների շինութեան համար պարագայք կը պատրաստէ, սակայն կաթողիկոսն այս մատին եւս անպատասխան կթողու Սարգսի գրութիւնը, ուստի

Գւ պատրաստեալ պարագայքն կփշանան։ Կվշտանայ Սարգիս եպիսկոպոսն եւ խնդիր կուղարկէ կաթողիկոսին, որ արձակէ իրան առաջնորդական պաշտօնից, բայց նա չի ընդուներ նորա հրաժարականը եւ կյորդորէ մնալ իւր պաշտօնի մէջ։

Գ. Առաջ երբ որ օտար ազգից մէկը չայստանեայց եկեղեցւոյ ծոցը դիմելու լինէր, ընդունելութիւնը տարիներով կ'յետաձգուէր, որով շատերը յուսահատուելով վերստին իրենց կրօնին կ'դառնային. բայց Սարգիս եպիսկոպոսի միջնորդութեամբ Տէրութիւնը փոխեց այս օրէնքը եւ ժամանակը կարճեցրեց երկու կամ երեք եօթնեկի։

Դ. Միջնորդեց փախարքային կովկասու եւ այնու Ախալցիայի եկեղեցական յափշտակեալ կալուածները յօդուտ եկեղեցւոյ դարձնել տուեաւ, որ հարիւր յիսուն հազար մանէթ աւելի արժողութիւն ունի եւ գոր կարապետ եպիսկոպոսի ազգականները արդէն տիրած էին։

Սոյն միջոցները, Ներսիսեան ուսումնարանի նոր Հոգաբարձուքը կ'սկսեն մի կանոն գրել, որուն մէջ Առաջնորդի իրաւունքը ըստ ամենայնի կարճեալ կ'տեսնուէր եւ ուսումնարանի կառավարութիւնը ըստ ամենայն մասանց կ'անցնէր հոգաբարձուաց ձեռքը. իսկ Առաջնորդը, որ գլխաւոր պատասխանատուն է ուսումնարանի բարեկարգութետն համար, կմնար առանց իրաւանց եւ ձայնի եւ իբրեւ մինն ՚ի հոգաբարձուաց։ Սարգիս սրբազանը նայելով ՚ի հանգամանս ժամանակին, անհամաձայն կգտնուի այդ կանոնադրութեանը։ Եւ հոգաբարձուք տեսնելով որ նա իւր համոզման մէջ հաստատուն կմնայ եւ իրենց համո-

գելուն չի նայեր, առանձին խնդիր կուղարկին կաթողիկոսին զՍարգիս եպիսկոպոսն առաջնորդութենէ փոխել տալու նպատակաւ, որպէս զի իրենց կանոնը եւ հոճոյքը ՚ի գործ դրուի։

Մատթէոս կաթողիկոպը՝ որ մի տարի յառաջ չէր ընդունած Սարգիս եպիսկոպոսի հրաժարականը, այժըմ կհրաւիրէ զնա յէջմիածին եւ կ'փսիէ Առաջնորդութիւնէ, չնայելով թախանձագին խնդրանաց ժողովրդոց Տիվիսոյ թողարկ զնա ինքեանց առաջնորդ։

Սարգիս եպիսկոպոսը կմնայ էջմիածին երկու տարի եւ կշարունակէ իւր անդամութիւնը Մինօդի մէջ, բայց այստեղ եւս այս քաջաջան հովիւս չ'դադարեցաւ իւր գործունէութենէ, ուստի եւ տեսնելով Վաղարշապատայ վաճառանոցի էջմիածնի վանից պարսպի մէջ լինելու անպատեհութիւնը, կսկսի Մինօդի անդամներուն համոզիլ եւ յորդորել, երբ կաթողիկոսը բացակայ կգտնուէր ՚ի Տիվիս, որ նոր հոյակապ էջմիածնապատկան մի կարավանսարայ շինուի, եւ սոյն խարխուլ անշուք խրճիթները պարսպի ներսէն վերցուին։ Կհամոզուին բոլոր անդամք եւ Սարգիս եպիսկոպոսը կընտրէ պարսպէն դուրս մի յարմար տեղ եւ կշինէ մի գեղեցիկ կարավանուարայ քառանկիւնի ձեւով 138 սենեկէ բաղկացած, որ առաջինէն եռապատիկ օգուտ կհասցնէ Աթոռին։ Մատթէոս կաթողիկոպը էջմիածին լիրադառնալով կգովէ այդ շինութիւնը եւ կյայտնէ Սարգսին իւր առ նա սէրը եւ հաճութիւնը։

Սակայն Սարգիս եպիսկոպոսը տեսնելով որ այնուեղ խալզագութիւն չկայ կհրաժարուի ամէն պաշտօնէ եւ կ'առանձնունայ իւր սիրեցեալ Սահաճնու-

մենաստանը ըստ իւր բազմամեայ փափագանաց, ու
մէկ տարի մնալէն ետքը, դարձեալ իւր աշխոյթը
վառ եւ բորբոք լինելով՝ կաթողիկոսէն յայտարարու-
թեամբ կ'ինդրէ, որ Սանահնայ ժանդաւորաց ուսում-
նարանը բարեկարգելոյ եւ ապահովելոյ համար՝ Սա-
նահնայ նտիւկին թեմը վանքին վերադարձնեն, որ
ուսումնարանը անթերի կառավարել կարողանայ:

Մատթէոս կաթողիկոսը փոխանակ այս առա-
ջարկութիւնը կաարելոյ՝ կհրաւիրէ կոնդակաւ զՍար-
գիս եպիսկոպոսը եւ կիսնդրէ որ Ղարաբաղու վիճակի
առաջնորդութիւնը յանձն առնու եւ գնայ այնտեղ,
որպէս զի տեղւոյն երկպառակութիւնը, որ օր աւուր
կբազմանայր ՚ի վնաս ժողովրդոց՝ կարողանայ վերջա-
ցնել: Կաթողիկոսը իւր կոնդակի մէջ այս եւս կյիշտուակէ-
թէ, եթէ չգնուս Ղարաբաղ, Աստուծոյ մօտ պարտաւոր
եւ պատասխանառու կլինիս, որովհետեւ նորան քեզ
տուած քանքարը ազգի օգտին գործ դրած չես
լինի: Սարգիս եպիսկոպոսը կաթողիկոսի հրամանաց
հնազանդելով կերթայ Ղարաբաղ, ուր կ'դադարեցնէ
ամէն խոռվութիւններն ու երկպառակութիւնները:
Սյս ժամանակները Մատթէոս կաթողիկոսը կվախ-
ճանի եւ Սարգիս եպիսկոպոսը մի տարիէն ետքը Հրա-
մանաւ Սինօդին կերթայ՝ ՚ի Պօլիս հրաւիրակ նորըն-
տիր Գէորգ դ. կաթողիկոսին, ուր եւ Տաճկաց Սուլթա-
նից մէջիդէի երկրորդ աստիճանի շքանշանով պատու-
եալ կվերադառնայ կաթողիկոսի հետ յէջմիածին եւ երեք
տարի կաթողիկոսի տեղակալութեան պաշտօն կվարէ:
Սյս միջոցիս էջմիածնայ լճի եղերքների դիզուած
հողը Սարգիսը հաւասար կանէ եւ պ. Վասակեանցի
օգնութեամբ ժառուզիք տնկել կտայ անգ ՚ի զբօսանա

միաբանից եւ ուխտաւորաց: Ոյլ եւ Դալմայի առուն,
որ 18 վերստ երկայնութիւն ունի եւ պիտի ջրէր
էջմիածնապատկան հողերն, կազմելով մէկ առանձին
աղբիւր եկամտից Աթոռի համար, մեծ դժուարու-
թեամբ կսկսէ հանել եւ արդէն կիսից աւելի պատ-
րաստ էր, երբ վեհափառ կուղարկէ զՍարգիս եպիս-
կոպոսը՝ ՚ի Պօլիս կարեւոր պաշտօնիւ, եւ առուն մին-
չեւ ցայսօր կմնայ անկատար:

Սարգիս եպիսկոպոսը բուականի ժամանակ կմնայ
՚ի Պօլիս եւ տեղւոյն համազգայիններէն շատ սիրա-
լիր ընդունելութիւններ գտնելէն յետոյ կերթայ յե-
րուսաղէմ եւ յեգիպտոս եւ այնտեղի հուերի, մա-
նաւանդ նուրար փաշայի, հետ ծանօթութիւն անե-
լէն եւ նոցա սէրը եւ համակրսութիւնը վայելելէն
յետոյ կրկին կվերադառնայ ՚ի Պօլիս եւ անտի իւր
վլճակը Ղարաբաղ:

Սարգիս եպիսկոպոսն իւր հաւատարիմ եւ ան-
ձնանուէր ծառայութեանց համար կ'վարձատրուի ՚ի
ժամանակ հայրապետութեան Գէորգ կաթողիկոսի սր-
բոյն Աննայի առաջնա աստիճանի շքանշանով եւ սր-
բոյն Վլադիմիրի երկրորդ աստիճանի շքանշանով:

Սարգիս արքեպիսկոպոսը Պօլսէն վերադառնալէն յե-
տոյ՝ տեսնելով որ Ղարտբաղայ ուսումնարանը մեծ դրժ-
ուարութիւններ կ'կրէ իւր համար սեպհական տուն չու-
նենալոյ պատճառաւ, եւ անձարացած կ'վարձէ անյար-
մար տներ եւ կ'վճարէ մեծագումար վարձ, կ'շինէ
այնտեղ իւր ծախքով եռայարկ ուսումնարան եւ ա-
ռաջնորդարան սոյն այս արձանագրութեամբ. «՚ի կայ-
սերութեան ամենայն Ռուսաց Աղեքսանդրի բ. եւ ի
հայրապետութեան աղգիս Հայոց տեառն Գէորգայ դ.

յուսովն Աստուծոյ ես Սարգիս արքեպիսկոպոս Հ. Զալալեանց ի յիշատակ հոգւոյ իմոյ կառուցի զեռայարկ ազգային Հօգեւոր դպրոցս եւ զառաջնորդարանս իմով տաֆանակիր աշխատութեամբ եւ արդեամբ, իբրեւ չնչին նուէր ի հասակի ծերութեանս ի պէտո լուսաւորութեան հայկազն սերնդոց թեմին Ղարաբաղու եւ ի ընակութիւն առաջնորդաց: Աղաչեմ յիշել յայնմաւուր, յորժամբանք սպառին եւ գործք թագաւորին: Ի թուին 1872 եւ ՚ի Հայոց ՌթիԱ»:

Կից ուսումնարանին եւ առաջնորդարանին կ'կառուցանէ եւ երկյարկեան օրիորդաց ուսումնարան, բոլորն քարոզ եւ կրովի Սարգիս եպիսկոպոսը ուսումնարանը ապահովելու համր ապառիկ մնացած անյօյս տեղերէ եւ այլ եւ այլ աղքիւրներէ կ'ժողովէ քսան եւ երկու հազար վեց հարիւր մանէթ, զոր գարձնելով արքունական բանկի բելէթ (մուրհակ) կ'յանձնէ ուսումնարանի հոգաբարձուաց: Այնուհետեւ կ'ըսկի Գանձասարու վանից գաւթի քայքայեալ տանիքը վերանորոգել տալ կոփածոյ քարամբ. յետ որոյ անձամբ անձին Ամարասու հռչակաւոր վանքը գնալով՝ նորա արտաքին ու ներքին խախտեալ եւ քայքայեալ տեղերը գժուարաքիրտն աշխատութեամբ կ'նորոգէ. եւ այս գժուարակիր գործունէութեան մէջ ի յրտութենէ եւ ի խոնաւութենէ իւր անձն կ'ձգէ անդարմանելի տկարութեան մէջ, վասն զի անդ կսաստկանայ իւր յօդուածացաւութիւնը: Սարգիս եպիսկոպոսը տեսնելով որ արդէն իւր կեանքը վտանգի մէջ է, անտի կ'մեկնի եւ կ'գայ ի Տիխիս, որպէս զի փոքր ինչ անդորրութեան մէջ մնալով՝ գոնէ կարողանայ իւր տկար անձն խնամարկել, ուստի ցաւելով Ղարաբաղայ

ժողովրդոց անհսկիւ մնալուն համար, Տիխիսէն յայտարարութեամբ կ'խնդրէ կաթողիկոսին, որ Ղարաբաղ առաջնորդ ուղարկէ եւ զինքը առաջնորդութեան պաշտօնէ արձակէ, սակայն Ղարաբաղցիք լսելով որ իրենց առաջնորդը հրաժարական է տուել, կ'ժախանձեն զկաթողիկոսն, որ նորա խնդիրը անկատար թողու եւ զԱրգիս եպիսկոպոսն եւս կ'հրաւիրեն չ'թողու զիրենք որը եւ անտերունց, այլ շարունակել իւր առաջնորդական պաշտօնոր: Բայց Սարգիսը ծերացած եւ անզօրացած լինելով կ'պատասխանէ նոցա օրհնութեան եւ շնորհակալութեան նամակաւ, թէ այլ եւս ծանր է եւ գժուարին ինձ շարունակել զայդ պաշտօն, եւ ես յանձն առնեմ զծեզ հովուութեան երկնաւոր Արաքապետին Աստուծոյ:

Յետ որոյ իւր հիւանդ դրութեան մէջ Տիխիսու կոնսիստորիայէն այսու յայտարարութեամբ իւր վերջին բազաձանաց հասնելու լուծում կ'խնդրէ:

Ի վիճակային կոնսիստորիայն Հայոց Վրաստանի եւ Խմէրէթի. ի 20 հոկտեմբերի 1876 ամի, № 35, ի Տիխիս:

Յաւուրս առաջնորդութեան իմոյ ի Տիխիս յետ կառուցանելոյ իմ զառաջնորդարան տեղւոյս եւ զպարիսպ տրեւելիան եւ հիւանդին կողման եւ յետ մաքրելոյ եւ յարդարելոյ զբակ նորին յաւաղելի հնութեանց եւ վերածելոյ ի բարեզարդութիւն, յաւելի նաեւ զհինգ հարիւր քառակուսի սաժէն գետին, որով եւ լայնացուցի զանձուկ եւ զանյարմար դրութիւն պարսպի Վանաց եկեղեցւոյ քաղաքիս, ի վայելցութիւն նորին. յետ որոյ մոտիր եղէ կառուցանել ի վերայ յինէն յաւելթալ գետնոյ ՚ի հիւսիսակողմն պարսպի զչորս

սենեակս վասն երթեւեկ հիւրոց. զի եկաւորք կամ ի Պօլսոյ եւ կամ ի սուրբ էջմիածնէ մի մնասցեն անպատսպար, որոյ վասն արկի զիւմունս նորին եւ բարձրացուցի սիւնօք մինչեւ ցչորս սաժէն, որք ծածկեալ կան այժմ ընդ հողով:

Իսկ այժմ տկարութիւն իմ ըստ վկայելոյ բժշկաց լինելոց է դժուարաբուժելի եւ երկարատեւ, եւ ի ձմռան եղանտկի անհնարին բնակելոյ ի ցրտային տեղիս վասն խոնաւութեան օդոյ, ուստի հարկադրիմ ի կառուցանել վասն իմ զչորս սենեակս ի սոյն քաղաքի: Բայց առաւել պատշաճ դատեմ կառուցանել զայնօսիկ սենեակս ի նմին մտադրեալ տեղւոջ ի ծայր յաւելեալ յինէն գետնոյ, որ անկանի ի խորշ բրգան Ղազար աւագ քահանայի անուանելոյ, ի պարովի Վանաց մայր եկեղեցւոյ, որպէս զի ի կենդանութեան իմում չունիցիմ զիրաւունս ո՛չ վաճառելոյ եւ ո՛չ ի գրաւդնելոյ. եւ յնու մահուան իմոյ մնասցէ մշտնջենաւոր սեպհականութիւն հոգեւոր իշխանութեան ի պէտքս երթեւեկ հիւրոց ի դիւրութիւն առօդնորդաց տեղւոյս վասն ընդունելոյ զիւրս: Արդ եթէ Ստենիդ հաճոյ եւ օգտակար թուեսցի, խնդրեմ այժմէն իսկ կարգադրել եւ մեզ հազորդել, զի եւ մեք ի ձմռան յայսմիկ, եթէ Տէր յաջողեսցէ, պատրաստեսցուք զկարեւոր նիւթունորին, եւ ի գարնան սկսանել զշինութիւն»:

Սակայն Սրբազան Սինօդը ի ձեռն կոնսիստորիային բացասութիւն արաւ սոյն օգտաւէտ եւ Աստուածահաճոյ առաջարկութեան, առ որ եւ նորին Սրբազնութիւնը վշտացեալ գրեց կոնսիստորիային հետեւետ արժանի ուշադրութեան պատասխանը ի 21

փետրվարի 1877 ամի. համար 2: «... եւ այս չէ առաջին նուագ, զի յամենայն Աստուածահաճոյ ձեռնարկս իմ բազմիցս եւ բազում անգամ հանդիպեալ եմ անհաճոյ կամաց եւ ընդդիմութեանց, բայց ոչ վհատեալ, դիտելով անշուշտ թէ սոյնպիսի տհաճութիւնք վասն Աստուածահաճոյ գործոց չեն նոր եւ դարմանալիք, վասն զի եղեալ են նախ քան զմեզ, լինին եւ այժմ լինելոց են եւ յապագայն, մի զկնի միոյ յաջորդելով որպէս եւ վասն այսպեսեաց վայ կարդաց Քրիստոս ասկիով. «զի փակէք զգրունս առքայութեան եթկնից առաջի մարդկանց, զուք ոչ մտանէք, եւ որոց մուանենն չտայք թայլ մտանել»,

Այս գրութենէն յետոյ իւր բոլոր նպատակը դարձնելով ընդհանուր ազգի օգտին եւ առանձնանալով Տիֆլիսի մէջ՝ իւր տկարութեան օրերը անցոյց իւր որդեգրաց մօտ, որոնք երախտագէտ սրտիւ սիրելով զնա՝ պահպանեցին իւրեանց հոգեւոր բազմերախտ հայրը մինչեւ նորա կենաց վախճանը, ջերմեռանդն ծառայութեամբ եւ կարեկցութեամբ: Եւ նա որպէս հայր որդւովք բերկրեալ ապրելով նոցա մօտ՝ կնքեց իւր փառաւոր եւ անձկաւէտ կեանքը գևնի երկարատեւ հիւանդութենէն եւ փոխեցաւ յաստեացս ի կեանս յաւիտենից ի 16 հոկտեմբերի 1879 ամի, ի հասակի եօթանասուն ամաց, թողնելով շատ երախտագէտ սրտեր սգոյ եւ տրտմութեան մէջ եւ թազուեցաւ Տիֆլիսոյ վանաց մայը եկեղեցւոյ բակումը, յարեւելեան կողմն եկեղեցւոյն, նոյն իսկ գետնի մէջ, զոր ինքն հանգուցեալն աշխատութեամբ իւրով աւելացրեց կուր գետի կողմից՝ նախկին բակի փոքրութեան պատճառաւ:

Եւ այսպէս կնքեց իւր կեանքը սրբազան Սարգիս
արքեպիսկոպոսը, որ իւր ոիրուն եւ անձն բոլորանու-
էր ընծայած էր՝ ի ծառայութիւն սրբոյ եկեղեցւոյս
Հայոց յընթացս յիսուն եւ երկու ամաց ժամանակի
տաժանակիր եւ դառն աշխատանօք, բազմարդիւն
գործունեութեամբք եւ Աստուածահանոյ բարերարու-
թեամբք։ Հանգուցելոյ որդեգիրքը եւ բարեկամները՝
ցանկանալով յարգել նորա յիշատակը, կառուցին նորա
գերեզմանի վերայ մարմարեայ մահսրձան։

Սոյն երանելի հսգին, ինչպէս իւր կենդանութեան ժամանակին անձնանուէր ծառայեց ազգիս Հայոց եւ եկեղեցւոյ, նոյնպէս կտմեցաւ որ իւր ծառայութիւնը եւ բարեգործութիւնները շարունակուին նաեւ իւր մահուանէն յետոյ. վասն որոյ մոռանալով իւր քաւոր ազգականները իւր ունեցած դրամը, զոր յընթաց կենաց իւրոց տնտեսական խնայողութրամբ յետաձգած էր իւր ուռնէն, թողուց կտակաւ 'ի սեպհականութիւն ապագոյ սերնդոց ընդհանրութեան ազգիս Հայոց, տռ 'ի գործադրել վասն ուսումնարանաց ըստ ժամանակին, որոյ կտակի պատճենը ընդ սմին կ'հրատարակի 'ի գիտութիւն ազգիս Հայոց:

Մաղաքիայ վարժապետ Պլուզեան.

աւզուան լին մառախ վեճք բահացրած-դէջ խայլը
-գումար և միմ քաջ պատ սղբարախոր Յափաբայր մէք
մահման մէջ բահակարա. Անապահն է ընկայք պղբարախ
-մար և միաբ լմարիչար չ առ յութան ի ու ըստ որի
անգամ միլու պահմանը լին, միմապահն միապահ
-ար ուստի զօնապատ, սիստքաք ի նայ սցայուց ի մէջ
-ողականական. Ի թշգայտ սցայուցնեառու մէ ըստ
-թար և միայն բահման մասն ուղացն մասն ողականու ի մէջ
-ուրանու մասնապատ կամ անմիամատար մասն մայթի
-կայար ու, միմապահն բահմի մասն ողականու ի մէջ
-քրամիջ յանցի ի եղացն յորոն մասն ուղացն որ
-ու. Յանուն մարդասիրին Աստուծոյ Հօր եւ Որդւոյ
եւ Հոգւոյն Սրբոյ. Ա. Ես Մարդիս Արքեպիսկոպոսս Հայոց
Հասան-Զալալեանց' միաբան սրբոյ Վանիցն էջմիածնի,
ծնեալ ՚ի թուականին Փրկչական 1810, յԱրտազ գա-
ւառի ՚ի գիւղն Եղինդ, ծառայեալ եմ ազգիս Հայոց
իմովսանն զամն յիսուն, մանաւանդ յաւուրս երջան-
կայիշատակ Հայրապետին ամենայն Հայոց Տեառն Նկր-
օսիսի ե. Աշտարակեցւոյ' հոգեւոր ծնողին իմոյ, եւ
մինչեւ ցայժմ թէ ՚ի կամաւոր եւ ՚ի բարեպաշտական
նուիրանաց եւ թէ ՚ի յաւելուածոց ունձկիս գանձեալ
եմ զքսան եւ հինդ. Հազար ռուբլիս արծաթոյ, որ
տանի յարքունի Պրիկազն Տփիսիսոյ եւ զոր տհա-
նատուցանեմ ՚ի սեղան փառաց եւ բարօրութեան
սպագայ սերնդեան ազգիս Հայոց Լուսաւորչականաց.
. Յանձն առնեմ սիրելի բարեկամացս իմոց՝ Տփիսի-
նեցի ազնուական Աղեքսանդրի Ղազարեան Թահիր-
անց եւ ազնուական Պղատոնի Աբէլեան Գուրգէն-
էկեանց, եւ ազգականին իմոյ Մխիթարայ Հասան-
ալալեանց, զի ՚ի միասին ընդ որդեգրին իմոյ Նիկո-

ղայոսի Տէր-Յակոբեանց զկնի մահուան իմոյ առաքեսցեն զիսկական կտակագիրս այս ընդ նմին եւ զմուրհակագիրն դրամոց ի ձեմարանն Լազարեանց արեւելեան լեզուաց՝ որ 'ի Մոսկով, առ ի պահպանել զայն ի գանձարանի ձեմարանին, իսկ զօրինակս նորին առաքեսցեն ՚ի քաղաքս կամ ի վանորայս, ուրանօր կառուցանելոց են ուսումնարանքս այսոքիկ: Գ. Խնամատարութիւն վասն ամբողջութեան դրամագլխոյն եւ պահպանութեան նորա, նոյնպէս եւ տոկոսեացն պատկանի կառավարութեան յիշեալ ձեմարանին, որ պարտի գդրամագլուին թողուլ անշարժ ի յիշեալ Պրիկազն Տփիխոյ կամ յարքունական բանկն Մոսկուայի հարիւր բան եւ հինգամեայ ժամանակաւ, յորում ժամանակի ըստ այժմեան հաշուոյ դրամագլուին այն ի բարդ մանէ տոկոսեացն բազմանալ ունի ցտասներկու միլիոն ռուբլիս արծաթոյ: Եթէ ըստ հանդամանաց ժամանակին պահանջեսցին ամք առաւել կամ պակասքան զնշանակեալն յինէն՝ հարկ է տնօրինել ըստ այնմ, մինչեւ հասցէ դրամագլուին լրութեան իւրում, այն է ցերկոտասան միլիոն ռուբլիս արծաթոյ, եւ այնուհետեւ դրամագլուին մնասցէ ՚ի լրութեան եւ ամբողջութեան իւրում անձեռնմխելի իսպառ, իսկ ՚ի նմանէ գոյացեալ տարեկան տոկոսիքն սկսանիցին գործադրիւ շարունակ վասն օգտի եւ բարսյական կրթութեան զաւակաց ազգիս: Դ. Կառավարութիւն Լազարեանց ձեմարանի պարտ է առնել միշտ առանց յետաձգութեան զտնօրէնութիւն վասն բարդելոյ յիւրաքանչիւր ամի զտոկոսիսն ՚ի վերայ մսյր գումարին, հսկել զի անվտանգ եւ անկրուտ մնասցեն տոկոսին, եւ երբեմն երբեմն հրատարակել ՚ի լրագիրա

զգրութենէ դրամագլխոյն եւ զորքանութենէ տոկասեացն կցելոց ՚ի դրամագլուխն, եւ եթէ հարկաւոր տեսցէ՝ կարէ փոխագրել զդրամն անդր, ուր առաւել արդիւնաբեր լիցի աճումն նորին եւ տպահովութիւն անկասկածելի: Ե. ՚ի լրանալ ժամանակին եւ յիրագործիլ Աստուծովի խորհրդոյ կտակիս, այն է՝ ՚ի հասանել դրամագլխոյն ցտասնեւերկու միլիոն ռուբլիս արծաթոյ կառավարութիւն Լազարեանց ձեմարանին թողլով զդրամագլուխն անշարժ՝ ստանայ յիւրաքանչիւր ամի զտարեկան տոկոսիս եւ բաժանեալ ՚ի քսան եւ չորս հաւասար մասունս, առցէ զերկու մասն յօդուտ ձեմարանի Լազարեանց վասն մշտնջենաւոր պահպանելոյ ՚ի նմա եւ գաստիարակելոյ յանուն իմ զորդեգիրս ՚ի չքաւոր զաւակաց ազգիս, առաւելապէս կողմանցս կովկասու: Թիւ որդեգրաց որոշի ըստ հաշուոյ տարեկան ծախուց նոցին եւ արդեանց, զորս ձեմարանն ունի ստանալ ՚ի բաժին իւր: Զմի մասն տացէ Կայսերական Համալսարանին Մոսկուայի վասն մշտնջենաւոր պահպանութեան եւ գաստիարակութեան ՚ի նմա յանուն իմ զուսանողս ՚ի Հայոց ազգէ: Թիւ այսոցիկ ուսանողաց նոյնպէս որոշի ըստ հաշուոյ տարեկան ծախուց նոցին եւ արդեանց, զորս Համալսարանն ունի ստանալ ՚ի բաժին իւր: Զերկու մասն տացէ աթոռոյն սրբոյ Էջմիածնի, վասն հիմնելոյ եւ պահպանելոյ ՚ի մշտագոյութեան յԱրարատեան նահանգի յապահով եւ ՚ի յարմարաւոր տեղւոջ զուսումնարան Ժառանգաւորաց: Զմի մասն տացէ Պատրիարքարանին Կոստանդնուպոլսոյ, վասն հիմնելոյ եւ կառավարելոյ ՚ի վանս սրբոյ Աստուածածնի Արմաշու կամ յայլ յարմարաւոր տեղւոջ զդպրոց ժառանգաւորաց:

Զերկու մասն տացէ աթոռոյն սրբոյ Երուսաղէմի վասն կառուցանելոյ եւ պահպանելոյ անդ նոյնպէս զուտ սումնարան ժառանգաւորաց։ Զմի մասն տացէ Հոգեւոր Կոնսիստորիային կամ Առաջնորդին Տփխիսոյ վասն հիմնելոյ եւ կառավարելոյ ՚ի վանս սրբոյ Աստուածածնի Սահացնի ժառանգաւորաց դպրոց։ Զմի մասն տացէ քաղաքական կտուալարութեան Տփխիսու, զմի մասն քաղաքական կտուալարութեան Երեւանու, զմի մասն Նուշւոյ, զմի մասն Նուխւոյ, զմի մասն Ախալցխաոյ եւ զմի մասն Ալեքսանդրապոլու, զի հիմնեցեն եւ կառավարեցեն շարունակ յանուն իմ զագգային ուսումնարանս վասն իրթութեան մանկանց։ Յայսոսիկ ազգային ուսումնարանոն կարեն դաստիարակիլ անխոտիր ամենեքեան առանց զանազանութեան ազգի եւ դաւանութեան։ Զերկու մասն տացէ ազգային վարչութեան Հայոց Կոստանդնուպօլսոյ, զմի մասն տացէ ազգային կտուալարութեան Հայոց Զմիսոնիոյ, զմի մասն ազգային կտուալարութեան Հայոց Կարնոյ, զմի մասն ազգային կտուալարութեան Վահայ եւ զմի մասն ազգային կտուալարութեան Ուլիսիոյ՝ որ է Զէյթուն, զի հիմնեցեն եւ կառավարեցեն շարունակ յանուն իմ զագգային ուսումնարանս վասն դատիարակութեան զաւակաց ազգիս Հայոց։ Եւ զմի մասն տացեն Հոգեւոր իշխանութեան Հայոց Նոր Զուղայու որ յԻսպահան, վասն հիմնելոյ անդ եւ կառավարելոյ յանուն իմ զագգային ուսումնարան ՚ի դատիարակութիւն զաւակաց ազգիս Հայոց։ Զ. Խոկ եթէ բաժանումն տոկոսեաց յիւրաքանչիւր ամի ծանր թուեցի կառավարութեան ձեմարանին Տեարց Լազարեանց, կարէ միանգամայն եւ եթ յայտնել իւրա-

քանչիւրոց, զի նոքա կարգեսցեն ինքեանց գործակալս եւ ՚ի ձեռն նոցա ստացեն ուղղակի ՚ի բանկէն յիւրաքանչիւր ամի զնշանակեալ մասն իւրեանց ՚ի տոկոսեաց։ Է. Առարկայք ուսման, ուղղութիւն եւ նպատակ ուսումնարանաց կառուցելոց յանուն իմ եւ այլ ամենայն ուսումնական բարեկարգութիւնք որոշեսցին ըստ հանգամանաց ժամանակին եւ հարկաւորութեան։ Ը. Հարկ է ուսուցանել հիմնաւորապէս զգրաբառ բուն լեզուն ազգիս Հայոց յուսումնարանս ժառանգաւորաց։ Թ. Զտարեկան հաշիւս իւրեանց ուսումնարանք պարտին անխափան յիւրաքանչիւր ամի գրով հրատարակել ՚ի գիտութիւն ազգիս։ Իւրաքանչիւր քաղաք կամ վանք ինքն պարտի հոգտանել, զի ուսումնարանն իւր մնացէ հաստատուն եւ անխափան, եւ եթէ խափանեսցի մի ՚ի նոցանէ, յայնժամ ծայրագոյն Հայրապետն ամենայն Հայոց խորհրդակցութեամբ ընդ Սրբազան պատրիարքացն Հայոց Նրուսաղէմի եւ Կոստանդնուպօլսոյ ունի զիրաւունս գարձուցանել զբաժին այնք ուսումնարանի յայլ քաղաք կամ վանք, ուր Հարկաւոր գտցէ գոյութիւն ժառանգաւորաց կամ քաղաքական ուսումնարանի վիսսն ազգիս Հայոց։ ՓԱ. Իւրաքանչիւր ուսումնարան կամ գպրոց՝ կառուցեալ յանուն իմ, պարտի ըստ ներելոյ հանգամանաց եւ արգեանց ընդունել եւ դաստիարակել ձրիաբար զգիշերօթիկ աշակերտս, բանալ զտպարան, հրատարակել զյրագիր, եւ ՚ի լոյս ընծայել զգրչամատեանս նտիւնեաց։ ՓԲ. ՚ի սմին կտակի յիշեալ քսան եւ հինգ հազար ուուբլի արծաթ գրամն, օրպէս ՚ի վեր անգրիշեցաք, գտանի յարքունի Պրիկազն Տփխիսոյ, իսկ մուրհակն նորին առ որդե-

գիրն իմ Նիկողայոսն Տէր-Յակոբեանց։ ԺԳ. Եթէ ձեւ
մարանն Լազարեանց հրաժարեսցի ընդունել եւ կա-
տարել զկտակս զայս, յայնժամ կտակակատարքն
իմ կարեն տնօրինել եւ յանձնել այլում հաստատուն
եւ ապահով կտռավարութեան զկտարումն կտակիս։
Զկտակս զայս արարի ահաւասիկ՝ ի կատարեալ
առողջ դատողութեանս եւ յիշողութեանս իմով յօ-
ֆարակամ ընտրողութեամբս եւ խսկական համոզմու-
բըս՝ ի սէր ազգիս Հայոց։ Խոկ կատարումն գրելոցս՝ ի
սմին շնորհեսցէ ինքն բարերարն Աստուած, որ սի-
րողն է ամենայն բարեաց եւ բարերարութեանց։ ամէն,
Էստ յանձնարարութեան Սրբազն Սարգսի Արքեպիս-
կոպոսի Հասան-Զալալեանց արտագրեցի զկտակս զայս
եւ վկացեմ, զի արար նա զայս կտակ յառողջ դատո-
ղութեան խւրում եւ ստորագրեաց յիմում ներկայու-
թեան։ Միիթար Հասան-Զալալեանց։ Զկտակս զայս
յօրինեալ գրեցի իմով կատարեալ հաճութեամբ, վասն
որոյ ստորագրեմ իմով խսկական ձեռամբ եւ վաւերա-
ցուցանեմ իմով կնքով Սարգիս Արքեպիսկոպոս Հայոց
Յովհաննիսեան Հասան-Զալալեանց։



ԾԱ. ՆՕԹՈՒԹԻՒՆՔ ՏՊԱԳՐՈՂԻ ԿՑԱԿԻՍ։

1. Կտակս այս հաստատեցաւ՝ ի նահանգական
Գաստարանէն Տիխիսոյ՝ ի 28-ն Օգոստոսի 1881 ամի
եւ յանձնեցաւ կտռավարութեան Լազարեանց ձե-
մարանի արեւելեան լեզուաց, որ՝ ի Մոսկով, առ ՚ի

տնօրէնութիւն եւ ՚ի գործադրութիւն։ Ընդ նմին
կտակակտարքն հանգուցեալ Սարգիս արքեպիսկո-
պոսի յանձնեցին յիշեալ ձեմարանին եւ զդրամա-
գլուխն ՚ի պահպանութիւն եւ յաճեցումն նորին
տոկոսեօք։ Էստ վերջին հաշուոյ կառավարութեան
Լազարեանց ձեմարանի, տպելոյ յԱրձագանք ամսո-
գրի 1884 ամի, համար 6, գրամագլուխն ՚ի բարդ-
մանէ տոկոսեացն դարձեալ է առ 1-ն յունվարի 1884
ամի, 32,150 ռուբլի։

2. Էստ զօրութեան հինգերորդ յօդուածի այսր
կտակի կտռավարութիւնն Լազարեանց ձեմարանի
թողլով զդրամագլուխին անշարժ, պարտի ստանալ
յիւրաքանչիւր ամս՝ զտարեկան տոկոսին եւ բաժա-
նելով՝ ի քոան եւ չորս հաւասար մասունու յանձնել
հաստատութեանց, յիշելոց՝ ի նմին յօդուածի վասն
հիմնելոյ եւ կտռավարելոյ զուսումնարանս։ Սակայն
արտագրողն կտակիս՝ սխալմամբ թողեալ է՝ ՚ի բաց զեր-
կու մասն յիշեալ 24 մասանց, ուստի եւ յերեւի՝ ՚ի
կտակէս թէ ումպարտի հասանիլ այս 2 մասն։ Բայց
որովհետեւ ըստ զօրութեան Բարձրագոյն հաստա-
տեալ կտնօնագրութեան եկեղեցւոյ Հայոց (յօդուած
1015, հատոր XI, մասն I օրինաց) գոյք վիճակաւոր
եպիսկոպոսաց Հայոց յետ մահուան նոցա գտոնան
՚ի սեփականութիւն աթոռուոյն որբոյ էջմիածնի, եթէ
չիցէ նոցա թողեալ զկտակ յօդուած Աստուածաշանոյ
հաստատութեանց։ վասն որոյ սոյն երկու մասն, իբրև
մնացեալք առանց կտակելոյ, պարտին երթալ յօդուած
աթոռուոյն որբոյ էջմիածնի, որպէս եւ Բարձրագոյն
իշխանութիւնն հաստատեաց զայս առաջարկութիւն
կտակակտարաց Սարգիս արքեպիսկոպոսի եւ ՚ի ձեռն

Հագաբարձուի ուսումնական Շրջանին Մոսկու այի
յայտնեաց կառավարութեան Լազարեանց ձեմարանի
գրութեամբն իրոք ՚ի 21-էն սեպտեմբերի 1882 ամի,
համար 11121:

Յ. ՚ի գրագրութենէ կառավարութեան Լազա-
րեանց ձեմարանի արեւելեան լեզուաց ընդ կտակա-
կատարս Սարգիս արքեպիսկոպոսի Հասան-Զալալեանց
յայտնի երեւի, թէ ձեմարանն Լազարեանց ըստ թոյլա-
տուութեան Բարձրագոյն իշխանութեան՝ ընդունելով
զկատարումն կտակի Սարգիս արքեպիսկոպոսի, արար-
եալ է զյետագոյ կարգագրութիւնս, հաստատեալս
՚ի Բարձրագոյն իշխանութենէ: ա. Զիսկական կտա-
կագիրն Սարգիս արքեպիսկոպոսի՝ ՚ի պատճառս կտ-
րեւորութեան նորին յապագոյ ժամանակս, տալ ՚ի
պահպանութիւն արքունի գրամատան Մոսկու այի:
բ. Զկտակեալ գումարն Սարգիս արքեպիսկոպոսի եւ
զտոկոսիս նորին հետզհետէ գարձուցանել ՚ի տոկոսա-
բեր մուրհակս արքունական գրամատան եւ տալ ՚ի
պահպանութիւն նահանգական գանձարանին Մո-
սկու այի: գ. Կազմել եւ պահել զառանձին հաշիւ կտա-
կեալ դրամոցն Սարգիս եպիսկոպոսի եւ տոկոսեաց նո-
ցին ՚ի նահանգական գանձարանի Մոսկու այի: դ. Ար-
պէս զի կտակեալ գումարն Սարգիս եպիսկոպոսի եւ
տոկոսիքն մնասցեն անձեռնմխելի ինպառ ըստ գո-
րութեան կտակի յընթացս 125 ամաց, ոչ կտակա-
րութիւնն Լազարեանց ձեմարանի, ոչ հաւաարմա-
տարն նորին եւ ոչ ոք ՚ի հաստատութեանց, յիշելոց
՚ի կտակի, չունի զիրաւունս ստանալ ի գանձարանին
Մոսկու այի զգարամագլուխն, կամ զմասն նորին եւ
կամ զտոկոսիս, որ եւ իցէ պատճառաւ, այլ կտա-

վարութիւնն ձեմարանի պարտի առնել յիւրաքան-
չիւր նուագո զգրաւոր տնօրէնութիւն՝ յանձնելով գան-
ձարանին Մոսկու այի ստանալ եւ բարգել զտոկոսիս
ի վերայ գրամագլուխն: ե. Կառավարութիւնն Լազա-
րեանց ձեմարանի պարտաւորի իւրաքանչիւր ամի ի
հաշիւ իւր հրատարակել ի լրագիրս զգրութենէ
գրամագլուխն եւ զորքանութենէ տոկոսեացն՝ կցելոց
ի նա, ի գիտութիւն ազգին:

— առաջ գուման առաջ առաջ առաջ —



4641

2013



